

## МОЛИТВЫ ОБ УПОКОЕНИИ ПОСЛЕ ПРОЧТЕНИЯ ПСАЛМОВ 1-й «СЛАВЫ»

Слава Отцу, и Сыну, и Святому Духу, и ныне и присно, и во веки веков аминь. Аллилуйя, Аллилуйя, Аллилуйя, слава Тебе Боже (3 раза). Господи, помилуй (3 раза). Слава Отцу, и Сыну, и Святому Духу.

**Молитва:** Помяни, Господи, об упокоении души усопших раб Твоих (**имярек**) и елика в житии сем, яко человецы согрешиша, Ты же яко Человеколюбец Бог, прости их и помилуй (*поклон*), вечныя муки избави (*поклон*), Небесному Царствию причастников учини (*поклон*), и душам нашим полезное сотвори (*поклон*).

**Тропарь:** Богородице Дево, радуйся, Благодатная Марие, Господь с Тобою; благословенна Ты в женах и благословен плод чрева Твоего, яко Спаса родила еси душ наших (*поклон*).

И ныне и присно, и во веки веков. Аминь.

*Далее читаются псалмы 2-ой «Славы».*

## МОЛИТВЫ О ЗДРАВЬИ ПОСЛЕ ПРОЧТЕНИЯ ПСАЛМОВ 2-й «СЛАВЫ»

Слава Отцу, и Сыну, и Святому Духу, и ныне и присно, и во веки веков аминь. Аллилуйя, Аллилуйя, Аллилуйя, слава Тебе Боже (3 раза). Господи, помилуй (3 раза). Слава Отцу, и Сыну, и Святому Духу.

**Молитва:** Помяни, Господи, о здравии и спасении раб Твоих (**имярек**), прости им всякое согрешение, вольное и невольное, содеянное ими делом, словом или помышлением (*поклон*), подаждь им мирное и безгрешное житие, во всем благое поспешение (*поклон*), во всякой добродетели их укрепи, духовный мир и телесное здравие им подавая (*поклон*), исполни их вся, яже ко спасению прошения (*поклон*), и даруй им вся мирная и премирная Твоя благая (*поклон*).

И ныне и присно, и во веки веков. Аминь.

*Далее читаются псалмы 3-ой «Славы».*

## **МОЛИТВЫ О ЗДРАВЬИ ПОСЛЕ ПРОЧТЕНИЯ ПСАЛМОВ**

### **3-й «СЛАВЫ»**

Слава Отцу, и Сыну, и Святому Духу, и ныне и присно, и во веки веков аминь. Аллилуйя, Аллилуйя, Аллилуйя, слава Тебе Боже (3 раза).

### **МОЛИТВА ОТ ГУБИТЕЛЬНОГО ПОВЕТРИЯ**

Призри с небесе, благоутробне Господи, на страждущия рабы Твоя, братия и сестры наша, в недужех и скорбех сущия, и невидимою рукою Твоею от одра болезни воздвигни, свободя их от всякаго недуга и язвы, таящияся в них; очисти их от всякия скверны душевныя и телесныя, и сохрани прочее время живота их в мире и целы, ходящия во оправданиях Твоих, яко да и в сих прославится всесвятое Имя Твое, со безначальным Отцем Твоим и Пресвятым и Благим и Животворящим Твоим Духом ныне и присно и во веки веков. Аминь

### **МОЛИТВА ОТ ГУБИТЕЛЬНОГО ПОВЕТРИЯ (ОБЩАЯ)**

Господи Боже наш, не вниди в суд с рабы Твоими, и огради нас от губительнаго поветрия на ны движимаго. Пощади нас смиренных и недостойных рабов Твоих в покаянии с теплою верою и сокрушением сердечным к Тебе милосердному и благоприменительному Богу нашему припадающих и на милость Твою уповающих.

Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

### **МОЛИТВА О ВРАЧАХ И ТРУЖДАЮЩИХСЯ НЫНЕ В ЛЕЧЕБНИЦЕХ**

Милостивый Господи и Истинный Врачу, дай разум и крепость всем работающим Тебе и служащим страждущим людям Твоим! Дай и ныне силу всем труждающимся ради исцеления болящих, укрепи руки врачующих, просвети сердца их светом веры и любви! Огради их, по милости Твоей, ради общих молитв наших, от болезни и смятения, от малодушия и боязни! Господи, Пострадавый до Крове за всех нас, защити их силою Креста Твоего, научи всех нас милосердию Твоему и мир Твой низпосли в души наша, да воспоем Имя Твое Святое: Отца и Сына, и Святаго Духа. Аминь.

*Далее читается «Трисвятое» по «Отче наш» и положенные после кафизмы тропари и молитва.*